

BE.323. SIPARMAHAN BOLON (Bb=1)

=====

B.E.323. SIPARMAHAN BOLON

1. Siparmahan bolon Na so olo modom Tatap ma au on
BasaMi o Tuhan Do mangaramothon Au sadari on
Borngin pe Ho ma muse Na manjaga humaliang Ahu asa sonang
2. Ho ma manamparhon Nasa parmaraan Dohot basaMi
Sesa ma dosangku Ias ni rohangku Hasonanganki
AnakMi naung mate i, I do na padao dosangku Ipe las rohangku.
3. Dohot ma donganku Hinaholonganku Sahat ma tu Ho
Sai tong diranapi MataMi ma hami asa sonang do
Ho tongtong di lambungkong Jala au di Ho, o Tuhan I do hasonangan
4. Nasa parmaraan Dohot hasusaan Sai padao sude
Ale Amanami Sai ondingi hami Asa sonang be
Sai orai pangago i Unang hami diarsahi Jala disusai.
5. Aik beha ajalhu Suda ni bohalhu Ro saborngin on ?
Molo i, Tuhanku RohaMi di ahu Alap ma au on
Asal lao tu surgo au Pasahatan ni Jesusku Sonang do rohangku
6. Pos nuaeng rohangku Pitpit ma matangku Mangasahon Ho
Sahat tu tanganMu Daging nang tondingku RamotanMu do
HataMi do mandok i Dung i, molo ngot manogot Ho muse hutopot.